



## OLENTZERO JOAN ZAIGU


Olentzero joan zaigu mendira lanera  
Intentzioarekin ikatza egitera  
Aditu duenian Jesus jaio dala  
Lasterka etorri da berri ematera.

Horra horra, gure Olentzero,  
Pipa hortzetan duela eserita dago,  
Kapoiak ere baditu arraultzatxoekin

Bihar meriendatzeko botila ardoakin  
Botila ardoakin.

Soinu jo ta dantzan dabil pozik jendea  
Bidean erori zaigu artzai-andrea,  
Hauxe da nekea horrela ibiltzea,  
Saskia erori zaigu kapoiz betea.

Espartinak urratuta zapatarik ez,  
Hernion gelditu nintzen oineko minez,  
Hauxe da nekea horrela ibiltzea,  
Hiru txiki ardorekin librako ogia.



## HATOR HATOR

Hator hator lagun etxera  
Gaztaina ximelak jatera  
Gabon gaua ospatutzeko  
Aitaren ta amaren ondoan  
Ikusiko dek aita parrezka  
Amaren poz atseginez

Eragiok lagun aurreko danbolinari

Gaztainak erre artian  
gaztainak erre artian  
txipli txapla pun  
gabon gaua pozik igaro dezagun  
(Bi aldiz)

## OLENTZEROREN OPARIA

Astoa gaixo dago, Olentzero tristerik  
Txabola ikatzez beterik,  
pilan-pilan udazkenetik  
Ez dauka txabola uzterik,  
ez etxez etxe ibitzerik

**Horra Olentzero pipa hortzetan  
Gauetz ibiltzen da negu hotzetan**

Larri daude auzoan, ikatzik ez neguan  
Han egongo da Olentzero,  
suaren ondoan txit bero  
Noiz jeitsiko da txabolatik,  
galdetzen du Joxepantonik

**Horra Olentzero pipa hortzetan ...**

Bi lagun joan dira, elurretan mendira  
Aizu Olentzero zergatik  
ez duzu ekartzen ikatzik?  
Ezin dut ikatzik banatu  
mesedez astoa sendatu

**Horra Olentzero pipa hortzetan ...**

Arrantzaka astoa, sendatu da gaixoa  
Eskerrik asko amonari, eta bere kataplastamari  
Geroztik gure Olentzero, herrira jeisten da  
urtero

**Horra Olentzero pipa hortzetan ... Bi aldiz**

## ETXE HONETAN

Berrero elkartuko gara  
sutondoan denok batera  
Olentzero noiz dator hona?  
txikien betiko galdera

**Gabon gauean elkartuta  
senide, herritar, lagunak  
etxe honetan sartzen dana  
etxekotzat hartuko da**

(Bi aldiz)

Etorri gurekin kantara  
Olentzeroren harrerara  
Zenbat ilusio, dardara...  
Ta gauean goxo lotara

**Gabon gauean elkartuta**  
..... (Bi aldiz)

Maitasunezko oparia  
Denontzat ongi etorria  
Sartuko den urte berria  
Baiez izan zoragarria

**Gabon gauean elkartuta**  
..... (Bi aldiz)

hazi,  
hezi,  
bizi



## URRUNDIK

Laino artetik eguzki printzen bizia  
Abenduko gau hotzetan bihotz beroa  
Pakea eta maitasun bide sendoa  
Bizi dezagun alaitasunez jantzia, jantzia

Zure irri eztaa...  
Itxaropen argia, argia  
Gabon jai hauetakoo...  
Izar dirdir berria

(Dena 2 aldiz)

## AI HAU GAUAREN

Ai hau gauaren zoragarria  
Jesus jaio da Belenen  
Herririk herri bila gabiltza  
Bila gabiltza beraren

(Bi aldiz)

Aingeruak kanta  
artzai onak dantza  
Guztiok alabantza  
zuri zor dizugu  
Astoak A! Idiak Mu!  
Atseginik badegu

Hartu makilak eta jantzi abarkak  
Artzaiak joan ziraden Jesusen bila  
Ai zer atsegina den dantzan jende guztia  
Salto brinko eginik denak joan ziren

## MENDI ALDETIK DATOZ

La lara la la la la...

Mendi aldetik datoz artzaiak artzaiak  
Bildots bana harturik bizkar gainean

Gabon gauean kanta,  
kanta aleluia kanta aleluia  
aleluia gabon gauean kanta  
kanta aleluia gauean

La lara la la la la...

Haur txiki bat jaio da Belenen Belenen  
Guztion jainkoa da poztu gaitezen

Gabon gauean kanta,  
kanta aleluia kanta aleluia  
aleluia gabon gauean kanta  
kanta aleluia gauean

La lara la la la la...

